

蘄州志卷之二十八

知蘄州事嶺西封蔚祠纂修



藝文志

詩賦

舒黃之間蘄為勝區詞客之所流覽縉紳先生之所
敷陳而詠歌載在前志不勝錄也今頗審酌體例別
白真贗期有當於不朽之義諸不足以攷故實備舊
聞者辭雖工無取焉志詩賦

賦

蘄州志

卷二十八

賦

明賦二首

浮玉磯賦

李若訥 季重 濟北

浮玉磯者蓋蘄江之勝觀黃郡之秀出截然中流欵而
律萃斯亦不列於岳志絕紀於山經物有遘美人或探
靈觀銳玉之如削咨奇石之若零巔趾吳楚源流潛霍
縈波突獻佳名爰託砥柱崢嶸標以磊砢洪濤遶乎四
周遠矚且乎叢薄似月之洲玉塵紛錯若木之華朱曦
磅礴諦登厥勢擅彼一方圓峰前睨截樂球瑯馬口後
扼灑滄泲洋左挹諸岫唐帽玉屏右拍近麓麒麟鳳凰

收名區之醞釀擷上遊之徜徉其爲狀也漫百丈於蛟窟馱一尖於練影彷彿巉巖憑陵莖井巋然天成屹以日永檻長川其似柔插孤空其欲猛雲根跬武而層層霜骨凸凹而冷冷紆曲作枕於股肱綽約爲延於項領於是地形旣据人巧載施綠紛糾而戢香削路道而躩踞瑩夷如砥化彼離奇雕石成檻卽峻爲基宛欺猓之不闕羗窳窳以相宜撫瀟灑盈於頰仰因笑兀撐於崎嶇層累道上岩巒參差鴻飛朝棟洒瀟渚兮星簇夜疏洩瀆瀑兮藻椽雲棗重欄複瓦桀閣修梯文昌題下控

巽地之明昌符升華之福嘏引三楚於目中劃九江於祛把八牕熒熒宇宙咸閑疑四戶翛翛山川交輳儼列宿其環枒擁紫薇其庇厦太乙巍崇如薦之葦鈎陳森列似排之榎聳羲文於獨尊散殷質於猶野混沌千秋一旦而寫乃有翹秀之品穎俊之人登高寄思眺遠無隣扶搖九萬攬結三春呼佳儕而領略商畝業而談論飛鴻目送流水神親意匠則寥廓悉入手削則瀆洞爲新陟爾帝座呼吸可因降而龍藏出沒有真掬綃珠於泣淚起繡虎於文茵福綜法像瑞叶鴻鈞發江靈之鬱

勃宣文曜之幻神此其符采大義吐納彬彬者也若其
寒食梨雲重九桐雨芳草王孫臨淵漁父溯洞輕舸攜
賓侶主當萬頃之旣凌望片石而來撫斤絲竹其勿喧
愛江天其欲譜徙倚登臨月光遙吐薄烟渲之上下川
浦笑起僧寮茗汁半茹咀彼清疏揮茲塵塵採鬢帆而
未能引螺卮而願舞蹈綠苔之鬢髮忘紫萼之腥醜亦
以點綴玉痕潤色天宇無取於粉黛之粹縵慰瑣之綺
組驚破天門之夢汰消佛德之祐至於僧田百畝蒲饌
一盂仰庀俎豆俯結精廬隔水鄉而不遠栖山閣而爲

蘄州志

卷二十八

賦

三

徒指杭稻以檀越守餐饌以苾芻升斗之水不減衣珠
方寸之名可代神符推其餘粒餐及寒儒篝燈之夜可
熄蛟人之欬歔屑玉之子皆揚帝宿之居諸抑又功德
與磯並泐福利將江並濡嶰嶰不朽何潤何枯

白雲深處亭賦

高

鵬

南崖
州人

有一布衣性耽山埜東走吳西走越老子長之脚跟飽
堯天之風月曉來放嘯於鳳肩展望於麟脊第見非烟
非霧郁郁紛紛瑞幃宏開素屏森列峰迴路轉有亭翼
然榜其上曰白雲深處也少焉天挺一人立於遊亭南

面問其童子曰此白雲洞主也布衣心忤進而言曰主
人物以寄興亭以寄身翠軟紅柔孰非可樂顧乃淡素
白雲而獨爲之怡情耶童子曰樂涉於僅同者夢蕉襲
石之見事出於特異者馮虛遺世之心吾主以白雲者
陰陽奇氣山岳精英玉質金輝堆崖拂袖脫洗塵俗氣
象萬千疊閣層樓不煩模寫之圖畫舞風弄月不費招
呼之可人如困如輪掃春黛也如蓋如擎點夏峰也巧
飛銀漢白雲秋霽也梅雪交魂白雲冬曉也白雲朝兮
穿友猿之蕙帳白雲暮兮挂引鶴之疎楞舒卷隨時鼓

蘄州志

卷二十八

賦

四

登壇之詩將往來適意縱旋凱之棋兵四達無塵一榻
千金顧彼臨春結綺曾不滿乎一晒紙屏石枕嘗夢破
乎三生飄瓦浮名虛舟宦情龍潛必於淵海鳳隱必於
深林閱典謨而尙友呼喬松以定盟契天人於獨坐付
理亂於不聞院落沈沈碯砑百尋雖懸河貝錦者特官
墻之外望雖濫竽鼓瑟者徒鞅掌於浮生是蓋淡而不
厭簡而益文雖青雲之騰踏不足以爲貴紫雲之輝耀
不足以爲珍浩浩乎與造物相忘堂堂乎與日月爭明
不知天壤之大何樂可以加此也布衣輒然而笑曰噫

吁嘻美哉景乎古有所謂壺中海上者今物色之矣遂
擊節而歌曰雲淡淡兮縹緲無涯亭隱隱兮悃悃無華
通一徑兮委蛇寄一人兮清嘉彼柏梁建章兮烏足爲
家歌竟長揖請辭童子指之曰此荆藩睿主寄樂處也
布衣駭汗掉臂而走回翔再拜嘆嘖以歸恍然心曠而
神怡不覺天淵之勢隔按此多用通韻轉韻不可學

國朝賦三首

獲神龜賦

原序觀異龜於金沙之濱
尻大若錢云云疑卽斬龜

顧景星

夫何一神龜兮秉玉衡之微芒腹圓穹以象天兮體正

蘄州志

卷二十八

賦

五

色于北方恣輕道以容與兮迺般辟虜龍梁覆白雲之
輪菌兮衛紫跗之著莖極五銖之匝匝兮實千歲之靈
長運轉運而殺四時兮目左右而媿陰陽背平隆以熒
熒兮甲屈折而翕張涵北斗與南辰兮羅五星及八風
維王人之上瑞兮胡見憲于瘴鄉僕夫行而獲此兮猥
辱處夫摺囊繫靈物之炫幻兮羗儵存而歎亡遐吉人
之宵兆兮感至誠于神明觀元裳之萃止兮嗣恢台以
旁唐招偃佺與洪厓兮粲鮮雯而上翔拂蜺嬰以蜺蜿
兮曾不可虜相羊屈崇鼃而示異兮神與我虜何祥爰

啟匱而籜之兮布筵筭而從橫絲告我以好辭兮曰君子之餘慶肇斯文之權輿兮象刻畫于倉兗丞詩書之煥煜兮奏周道于繇庚苟菁華之既竭兮蹇八百而褰裳與綺繡而鈇鑽兮寔曳尾于塗中彼宋君之入夢兮曾不免乎剗傷元緒困于諸葛兮暨罹厄乎妖桑蠹于齡而受繫兮終見蛻于陳王曷若茲之神異兮遯諸無何有之鄉重曰神式至穀降茲祥兮商精亟曜文道昌兮負乾抱坤理中黃兮高山下澤灑歸藏兮明晦變化終永臧兮葆合太和壽無疆兮

白茅堂集

蘄州志

卷二十八

賦

六

山居賦

陳之京

觀北州人

罹亂離之瘼瘼傷北郭之居焚旣所如之不合乃決志乎山雲化儻十載倏忽三春索莫雙影伶仃孤身洵違俗而寡侶兮匪道高之無隣維時羲馭迴轡斗杓東指和風紛兮以披青陽豔兮以侈玫瑰抽玉兮薔薇露蘂見天桃之零落兮對垂楊之旖旎雖山花野卉之無窮兮其羅生于茅舍疎籬者僅若斯而已矣爾乃新燕相宅舊燕葺巢擬笙簧之並奏恍姑婦之相嘲若乃驚心暴客兀坐假寐裏骨蒼山頽情白水霏霏晨露聒聒荒

鷄當夢覺之初分兮憎百舌之利嘴先生日晏強起啜
龕茹蔬凭席而隱几誦風雅之篇什探羲周之奧旨兼
以漁獵眾芳汎覽百氏懼目力之將疲乃閉關而節制
旣而掩帙抽韻援毫賦詩緒若春蠶色如死灰慘淡經
營位置敲推或終朝而一字不成或須臾而千言立揮
誰測其工力之所底而興會之所之已而罷杼軸歸渾
淪墮肢體歛精魂旣何思而何慮兮復無構而無營徇
祥堦除徙倚簷楹曳杖阡陌緩步陂岑付陰晴於蒼穹
忘理亂於寸心清歌放濁酒斟俯仰堪輿往來古今庶

蘄州志

卷二十八

賦

七

立言期不朽兮歷浩劫而永貞

天衢遺集

二水亭賦

亭爲渴口陳家別業
刊水張生授經於此

金德嘉

會公

天一生水地中湧亭吐吞沆瀣呼吸滄溟卓爾張幔巋
然挂鈴祖衡禰察而纖塵絕沐日浴月而百寶生象曰
習坎居之元亨工垂成也喜雨客乍至焉占星礪礎川
花琢崑谷刻桷丹楹凌窅冥晞嶺澥之洞酌仿君山于
洞庭方春巢燕徂夏蒨螢雁影秋羃虹藏冬撐非魚而
知魚之樂好鶴而使鶴若丁暇可洗耳清斯濯纓充庖
祇用垂釣果腹無勞挈瓶揖謝襜褕坐畱娉婷遲披篔

之逸叟邀鼓瑟虜湘靈爾乃拭素几斟中冷鬚眉競爽
襟帶餘馨傳徧玉川諸椀注完桑苎一經琴彈雅操劍
試新硯似得漳河之瓦疑浮泗上之磬叶濤浩浩而无
息木忻忻以向榮松檀檜柏楸桂蓼蒞杏榆杜蘅辛月
在鳴芙蓉稱城桃葉梅根並價姚黃魏紫齊名迭苗迭
秀或從或橫鷺嶼鷗嶼蒲汀柳汀沱無馬人蚤戶汜有
鹿柴駢耕鬪鴨疊檻飲牛均泓賓朋灑翰童冠揚船鼓
柁青林才三舍牽繯赤壁可二程榻隄仲舉北牖詞指
茂先西京若上巳流觴晡濫似江心古寺砒砒虎臥龍

蘄州志

卷二十八

賦

八

跳聯卷軸宮袍畫舫及郊垆斯蘄春之壯觀而藝圃之
鴻聲也亂曰長尋遠眺何濛濛叶兮來何迅邁去何終
叶兮張融郭璞一海一江兮混茫大手疇匹雙兮電戰
雷奔滙此亭叶兮鯨魂龍魄將毋升叶兮踏瑤階酌桂
漿兮若有人奉予觴兮含宮吐角激徵清叶兮碧鷄黃
鵠俱翺翔兮居業齋集

詩

唐

古今體詩
十三首

五言古一首

州刺史座右詩

諸州同

元宗

眷言思共理鑑古想維良猗與此推擇聲績著周行賢
能既俟進黎庶實並康視人當如子愛人亦如傷講學
試誦論阡陌勸耕桑虛譽不可飾清知不可忘永民迹
易見安貞德自彰訟獄必以情教民貴有常恤憚且存
老撫弱復緩強勉哉各祇命體予眷萬方

七言古一首

謝鄭公惠簞

韓愈退之

蘄州笛竹天下知鄭君所寶尤瓌奇攜來當晝不得臥

蘄州志

卷二十八

詩

九

一府爭看黃琉璃體堅色淨又藏節滿眼凝滑無瑕疵
法曹貧賤眾所易腰腹空大何能為自從五月困暑濕
如坐深甑遭蒸炊手摩袖拂心語口漫膚多汗真相宜
日暮歸來獨惆悵有買直欲傾家資誰謂故人知我意
卷送八尺含風漪呼奴掃地展未了光彩照耀驚童兒
青蠅側翅蚤虱避肅肅疑有清飈吹倒身酣寢百疾愈
却願天日常炎曦明珠清玉不足報贈子相好無休時

昌黎集

七言律

五首

寄蘄春李使君播

白居易 樂天

下車書奏龔黃績動筆詩傳鮑謝風江郡謳吟誇杜母
洛城歡飲會車公笛愁春盡梅花裏簾冷秋生薤葉中
不道蘄州歌酒少使君雅興與誰同 白氏長慶集

送蘄春李使君赴郡

白居易

可憐官職好文詞五十專城未是遲曉日鏡前無白髮
春風門外有紅旗郡中無處堪攜酒席上誰人解和詩
惟共交情開口笑知君不及洛陽時

送蘄州李郎中赴任

劉禹錫

蘄州志

卷二十八

詩

十

楚關蘄水路非賒東望雲山日夕嘉薤葉照人呈夏簞
松花滿椀試新茶樓中飲興因明月江上詩情爲晚霞
此地交情長引領早將元鬢到京華 夢得集

送蘄州裴員外

李山甫

正作南宮第一人暫隨霓旆愴離羣曉從闕下辭天子
春向江頭待使君五馬尙迷青瑣路雙魚猶惹翠蘭芬
明朝無路尋歸處禁樹參差隔紫雲

前題

羅隱

一枝仙桂最先春瀟灑高辭九陌塵兩晉家聲須有主

六朝文雅別無人
榮驅豹尾拋同輩
貴上螭頭見近臣
新水蒼生莫相羨
早看歸去掌絲綸
致光集

五言排律 三首

九江口南濟北接
斬春南與潯陽岸
蘇味道

江路一悠哉
滔滔九派來
遠潭渾似霧
前浦沸成雷
鱗介多潛有
漁商幾泝洄
風搖蜀柿下
日照楚萍開
近漱湓城曲
斜吹蠡澤隈
錫龜猶入貢
浮獸罷為災
津吏揮撓疾
郵童整傳催
歸心詎可問
為是落潮迴

寄簞與元九

白居易

斬州志

卷二十八

詩

十一

笛竹出斬春
霜刀劈翠筠
織成雙文簞
寄與獨眠人
捲作筒中信
舒為席上珍
滑如鋪薤葉
冷似臥龍鱗
清潤宜成露
鮮華不受塵
通州炎熱地
此物最關身
白氏長慶集

酬白樂天寄斬州簞

元微之

斬簞未經春
君先拭翠筠
知為熱時物
預與瘴中人
碾玉連心潤
編牙小片珍
霜凝青汗簡
水透碧遊鱗
水魄輕涵黛
琉璃薄帶塵
夢成傷冷滑
驚臥老龍身
元氏長慶集

七言絕句 三首

洛中春末送杜錄事赴斬州

劉禹錫

樽前花下長相見
明日忽爲千里人
君過午橋回首望
洛陽猶自有殘春

了頭山

施達

何不梳粧嫁去
休常教人喚作了頭
只因不信良媒說
耽閣千秋與萬秋

蘄州行營作

戴叔倫

蘄水城西向北
看桃花落盡柳花殘
朱旗半捲山川小
白馬連嘶草樹寒

幼公集

宋古今體詩
二十二首

蘄州志

卷二十八

詩

三

五言古

咏張牧之竹溪

林敏修子來州人

幽閒古城陰
結屋清溪曲
溪流堪回映
上有青青竹
漫郎欣得之
綠髮詠空谷
高風及前修
勝趣隨遠矚
惡客徒擾人
立談非我欲
麾去盜汝曠
真意聊自足
或言不當耳
往往相謗
譎荅云豈吾
私恐作林泉
辱源流別涇
渭臭味同
草木肯當百
事勝容此一
物俗獨餘
嵇阮輩
蕩槩戒臣
僕濁醪澆
古胸日沒
還秉燭
僕忝瓜葛
後意氣頗
相屬平生
幾兩屐
共老三
徑菊行年
事無定此
計

諾已宿徑須買牛衣間亦荷書麓從子竹間遊溪魚剝

寒玉 無思集

龍眼磯

陳造 唐卿

誰謂石一拳不作江流礙朝來揚帆西管若驥厯塊龍

眼風水磯培塿視華岱似聞黃潦時亦復鼓滿匯鑿去

本不難奇巧禹所愛其上嘉樹密其側魚網曬居惟羨

漁鄉復欲老犢背西歸倘得此庸敵七里瀨 江湖長翁集

泊蘄州城下晚思

董嗣杲

日落烏雀下笛聲起譙樓舟泊倦欹枕枕此秋江頭寸

蘄州志

卷二十八

詩

三

心積萬慮浪寄非久畱斬新雉堞壯環塹柳影稠城中

酒旗飛窈窕吳姬謳風濤何凄然抑揚邈難儔往時聞

黃茅今此委青油香凝燕寢晚喜見鴻集秋磯月照客

衣苦觸聽砧愁夜深不敢語我吟月解不月落不旋踵

雲過江聲浮逗晚入城步將詩叩郡侯 廬山集

七言古

寄蘄簞與蒲傳正

蘇軾 子瞻

蘭溪美箭不成笛離離玉筍排霜脊千絲萬縷自生風

入手未開先慘慄公家列屋閒蛾眉珠簾不動花陰移

霧帳銀牀初破睡牙籤玉局坐談棋東坡病叟長羈旅
凍臥饑吟似饑鼠倚賴春風洗破衾一夜雪寒披故絮
火冷燈青誰復知孤舟兒女自嚙呷黃天何時反炎燠
媿此八尺黃琉璃願公淨掃清香閣臥聽風漪聲滿榻
習習還從兩腋生請公乘此朝閭闔

東坡集

寄吳德仁兼簡陳季常

蘇軾

東坡先生無一錢十年家火燒丹鉛黃金可成河可塞
只有霜鬢無由元龍邱居士亦可憐談空說有夜不眠
忽聞河東獅子吼拄杖落手心茫然誰似濮陽公子賢

蘄州志

卷二十八

詩

齒

飲酒食肉自得仙平生寓物不留物在家學得忘家禪
門前罷亞十頃田清溪繞屋花連天溪堂醉臥呼不醒
落花如雪春風顛我遊蘭溪訪清泉已辨布韞行青躔
嵇山不是無賀老我自興盡回酒船恨我不識元魯山
恨君不識顏平原銅陀陌上會相見握手一笑三千年

牧牛謠

謝童子

童子謝姓蘄州人少憫愼十歲不能
言父母怪之令牧牛一日忽歌云

可若何遠遠騎牛下淺坡長笛一聲鳴也清歌一曲無

多楚風補

五言律

送俞尙寺丞知蘄春縣

梅聖俞

應見言風物於今有貢虵潛踪遠
鼃黿飲露上蒹葭清
潔一如此傷殘都莫嗟君惟修職業
男未女繅車

蘄州厲使君七夕祈雨

戴麓石屏

樽酒忘佳節衣冠肅廣庭爲民祈
一雨何暇賞雙星五
馬無慙德三龍合傲靈前山好雲氣
早已動雷霆

泊蘄口泛月湖中

陸游放翁

炎天倦長路月夕泛平湖晃漾披
銀闕清寒任玉壺釣

蘄州志

卷二十八

詩

五

絲繁藻荇蓬艇入菰蒲自別蜻蜓浦
斯遊十載無劍南集

舟泊蘄城下

董嗣杲

秋蕪埋戍雨暮荻捲濠風禦侮弓
刀利揚威鼓角雄雲
連淮樹暗月透漢宮空
捩柁資遐眺興衰自古同廬山集

過鴻宿洲作

劉子澄

洲名號鴻宿流徙合來居淮郡侵江
密人煙罩水疎無
山供笛竹有港便罾魚壯士休營業
擒胡返故廬玉淵吟稿

和秦壽之蘄春驛浸月軒詩

王之道

千山初過雨萬籟不鳴風寶鑑沈寒
水冰壺上太空竹

梢低燕碧楓葉冷浮紅終欲金沙去經營一畝宮

相山集

七言律

謝劉本玉先生惠簞

王學

南朝笛竹斲為良織成文簞琉璃黃舊時正爾冷如鐵
此君無奈寒如霜山齋溽暑正六月野人清夢迷三湘
卷舒隨分且藏節作詩為報劉中央

和秀野斲簞之句

朱熹元晦

使君兩鬢尚青青學道仍拋後院笙溽暑快眠知簞好
晚涼徐覺喜詩成人從斲水當年寄句比韓公此日清

斲州志

卷二十八

六

坐對更深誰是伴惟應闕月共長庚

晦菴集

斲州早起

楊時一作魏了翁

城頭雷動角聲哀似共行人怨落梅欲報晨炊未熟
喚回殘夢眼慵開霜清暗覺貂裘冷月淡空令犬吠催
倚杖起看風正烈不堪嘶馬重徘徊

送彌仲性赴斲州

李洪

中興岳牧任詞人分虎初斑楚澤春四紀才名文價重
一麾江海璽書新眷深丹旆虛前席祖憶黃梅試問津
政事宜須外庸訖遄歸清禁掌絲綸

芸菴類編

聞何立可大節李茂欽誠計

劉克莊潛夫

初聞邊報暗吞聲想見登譙與敵爭世俗今猶疑許遠
君王原未識眞卿傷心百口同臨穴擊目孤城絕救兵
多少虎臣提將印誰知戰死是書生後村集

和吳仲庶寄吳瑛比部道安之子壯年致仕歸隱

春

司馬光君實

負母承親願已賒遭母憂服除遂致仕恥隨雞鶩啄泥沙一朝投

紱眞高士萬卷藏書舊世家齒髮未衰非藥物山林不
返爲雲霞麗眉尙有郎潛者狗祿憂生直可嗟傳家集

蘄州志

卷二十八

詩

七

七言絕句四首

寄夏倪

林敏功子仁州人

嘗憶他年接緒餘先生落拓我迂疎溪橋幾換風前柳

僧壁猶畱醉後書見呂紫微詩話

贈蘄簞與潞公

范純仁堯夫

雙文封卷如筒小六月鋪張滿榻寒曾是吐茵狂醉客
敢塵齋閣助清歡范忠宣集

涵輝閣

郭祥正當塗人

天垂星斗數尋近地捲雲山千里來冰壺倒影露華淨

玉竇溶雪蟾光頽

白巖寺石刻

無名氏

金殿重重鈴動風六龍飛入碧雲中晚來落盡山前雨
人借僧房鶴借松

元古今體
五首

五言古

望蘄州

楊基孟載蜀人

未見蘄州城已見蘄州山諸山初不高蒼石礪且頑想
當至正時民物庶以繁大江從西來萬里不閉關茲山

蘄州志

卷二十八

詩

六

獨儲英羣雄出其間遂為禍亂階滋蔓莫可芟憶我聞
亂初我方總兩鬢侍立父祖傍聽說國步艱焉知三十
年見此董與管骨肉亦已零安得髮不斑披榛欲弔古
豺虎愴我顏蒼茫望茅宇日落孤舟還

五言律

宿蘄陽驛

幹克莊

夜宿蘄陽驛湍聲已慣聽擁衾裁短句屈指數殘更世
慮如山重身謀似葉輕不堪天外雁急作兩三聲

蘄州城下晚泊與土人語及四方事平有喜而作

范 惇

野濶秋無際天空夕始涼漁舟下浦急畚火入雲長洲
遠懷鸚鵡山危指鳳凰戍人新斂甲垂手幸時康

德機集

七言律

四見亭

幹克莊

前朝亭廢野蕪侵暇日躋攀試眺吟楚地寒煙青障遠
漢江秋水碧流深連城阡陌桑麻藹負郭人家竹葉森
千載麒麟山下路不知遊客幾登臨

前題

觀音奴

蘄州志

卷二十八

詩

九

臥麟山前江水平臥麟山下草如茵山雲山樹幾時好
江水江花顏色新長江西來流不盡東到滄海無回津
我欲登臨問興廢今時不見古時人

明古今體詩
五十二首

五言古

樊山王東園宴集

吳國倫

明卿興國

涉江采秋蘭江路阻且遙豈惜行路苦恐雜艾與蕭美
人眷同臭解佩行相招歡言展高宴綺閣開層霄奇卉
粲以繁修篁夾飛橋潛魚躍華池翔禽厲神飈瑯盤進

嘉膳瓊卮瀉甘醪吳歛變初節楚舞何妖嬈眾賓起爲
壽賤子申久要絃以大雅音結以青霞標庶幾永終譽
千齡無松喬甌瓌洞稿

題人壁柬友夏譚元春

袁素亮

騎馬擁歡眠遂有專儂意粗知好浮名向儂求姓字姓
字却不言但與譚郎好遣人問譚郎悟儂非草草

七言古

環翠亭

高啟季適長洲

環翠亭開紫霞裏更掖麟峰拜雉水千崖秀色傍窗浮

蘄州志

卷二十八

三

詩

萬壑濤聲從座起煙消日出天溶溶玉壺倒插金芙蓉
鉤簾相對坐長夏灑然冰雪生心胸

蘄州竹簟歌

明郭鳳儀舜符祥符

齊安土瘠百不宜蘄春竹箭生獨奇疎節洞幹裊煙霧
色參碧玉多華滋尤物自合神理惜良工競采含苞枝
欲矜意匠誇能手苦濯江漢曝朝曦幾經折縷等薤葉
一加織組同縑絲就中巧思誰更識藏倪續斷渾不知
綢繆但見雙文密摩挲驚嘆眼還迷鮫人夜杼翦綃綺
游魚吹浪搖文漪已聞滑溜能什雞更笑苦濡啼痴兒

稀有價重錦繡段展舒光映黃琉璃三疊九折柔耐卷
八尺半握行堪隨五月毒熱氣如炊嗚呼舍爾吾何支
匡牀石枕夢亦爽翛然似過清秋時覺來涼意侵人肌
只疑流汗翻成澌簟乎簟乎願爾化爲太平之衽席使
吾民寔一安寢常如斯

瀨湖李先生見訪之夕卽仙師上昇時也尋出所校

定本草求叙戲贈之

王世貞弁洲
太倉

李叟維稍直塘樹便觀仙眞跨龍去却出青囊肘後書
似求元冥先生序華陽眞逸臨欲仙誤註本草遲十年

蘄州志

卷二十八

詩

三

何如但付賢郎烏羊角橫搏上九天

君有子爲蜀中名
令故名 弁洲稿

悲高山詩

楊晉

高山郵舍也距廣濟三十里崇正丙子冬設險高山廣
濟尉魏時光以鄉兵守之賊初不敢度相持旬日尉夜
襲賊有功翌朝賊大至尉馬勒斷被執不屈死

殺氣障天天不雨中原白晝驅豺虎無賴少年好英武
擁尉登壇建旗鼓尉也膽氣本粗豪百金市馬如人高
馬上結束青絲絛左右馳擊雙寶刀拳旗斬將不足數
眇視秦寇同鴻毛軍中昨夜傳飛箭鐵騎西來亂如雷

不聞犄角有何營獨引鄉兵當一面健兒身手等閒強
矢石未交先怯戰眾寡相持大不如支吾日久情形見
尉也膽氣真絕人夜叩壘門惟一身歸來笑擲人頭臥
不知禍福如轉輪亂流馬嘶侵曉渡高山遙望寧知數
竹筒一吹已會圍塞斷孤軍歸去路此時拔劍怒衝冠
翻身上馬突圍看黃巾赤眉有羽翼有將無兵勢難測
兜牟脫處戰猶酣勒帶斷時死不得可憐壯士在垓心
援兵望絕無消息高牙大纛坐城中薄祿微官死山側
朝廷有事須將才豈復下僚多屈抑高山燐火繞忠魂

蘄州志

卷二十八

詩

三

爲爾悲歌淚沾臆

蘄民謠四首

王廷相儀封人

有芘者艾生我土七年之病得者愈五內失調邪作主
富貴耽慾乃自取艾縱有靈將奚補我欲言之上官怒

右蘄艾

龜背生毛綠的的大如錢貴如壁養來盆中水凝碧細
人之玩有何益

右蘄龜

白花蛇誰教爾能辟風邪上司索爾急如火州中大夫
只逼我一時不得皮肉破積谷如巴陵殺爾種類絕白

花不生禍胎滅

右斬蛇

龍鬚作席光電電暑眠不及斬陽簟涼如冰滑如藤一
簟幾工能織成官府取之只一聲有價無價誰敢爭王氏

家藏集

右斬簟

五言律

曉發蘄州

李東陽茶陵人

城曉遲吹角高雲濕未開驚波風不定危石岸將頽青
人無窮草黃低欲墮梅江湖苦畱滯遊宦恥凡材懷麓堂集

坐蘄州西河驛

顧璘上元人

蘄州志

卷二十八

詩

三

衰年重作宦入楚問民風豈謂山川異還嗟杼軸空官
常存國典惠澤自皇躬千里旬宣寄安危仗數公

白雲深處

蔡潮霞山人

瑞靄浮仙苑悠悠別一寰春陰琴柱潤風靜鶴聲閒舒

卷心應似登臨興未慳玉窗清夜夢元不到巫山

答富順王

朱厚焜二首選一

王廷陳稚欽黃岡

帝室分封重王孫別館開禮於南嶽敵客比小山才爲
善心知樂通親表自裁雄風雖可挹何日侍蘭臺夢澤集

寄上富順王

王廷陳

南國諸王館池亭獨有名楚風蘋末動淮月桂叢明中
物醒先析當天暈已生無令爲善樂專美漢東平

題浮玉亭

吳國倫

石扼中流險亭當一柱支河山懸震盪日月莽推移岸

樹微茫出風帆上下馳望中吳楚盡秋色最堪持

甌越洞稿

舟次蘄春避暑法勝寺顧大參子承按察子良董司

理友仲易州牧子田攜具見訪

吳國倫

梵宇千門遶僧房一鑑幽艇分蓮葉出軒抱水雲流疑

結逃禪會何當載酒遊却疑陶令醉三笑虎谿頭

蘄州志

卷二十八

詩

古

龍眼磯

吳國倫

片石亂流中巍然抗佛宮諸天龍樹表萬象蜃樓空花

雨都成雪濤驚不爲風孤僧容膝處應與海門通

蘄春江上謁禹廟

吳國倫

山遶鴻沙曲城憑鳳嶺孤古祠銜絕磴飛浪灑平蕪萬

里來江漢千門過舳艫可知神禹蹟浩蕩古來無

宿玉泉寺寄顧日巖

陳仁近 孟角州人

元宴一生病幽棲百丈陵無錢金井客有髮玉泉僧鳥

篆教皇字螢分照佛燈湖山千里外寥落幾良朋

應叩鳴集

過湖上舊館

盧如鼎 呂侯州人

偶然趁春晴閒攜湖上行山樵隨意問茅舍幾番更鳥
似曾相識花如舊有情壯懷空潦倒祇自怪浮生

結屋山中

盧如鼎

身閒成野癖地遠絕囂氛池靜生寒月山空臥白雲栽
花聊作伴近鹿喜為羣幸少浮名累荷衣可不焚

七言律

東山寺

朱厚焜 富順王

平湖漠漠接平沙芳草青青沒燒涯着雨小桃紅錦濕

蘄州志

卷二十八

詩

五

受風新柳翠絲斜牆頭遞酒情偏愜馬上啣杯興轉賒
更把東城比東郭每逢春日欲移家 東蘄集

前題

張袞 江陰人

鷺嶺逶迤俯碧沙鶴林風色浩無涯門荒老樹昏鴉集
歲晚寒江落雁斜地盡三吳蒼雨濕山傳五祖白雲賒
城中奕奕王孫地誰問湖田百姓家

前題

戚昂 金華人

湖光晃漾臨蕭寺十里荷花散綺霞遠浦笙簫仙客舫
小山松竹野人家堆盤冰果清堪掬入饌江魚味總嘉

戀闕有懷雙眼潤五雲縹緲隔天涯

蘄州江中怪石

李東陽

萃兀山城抱此州江間怪石擁戈矛隨波草樹愁生隙
駭浪蛟龍却避流豈有岩堯能砥柱祇多衝突向行舟
憑誰一試君山手月落江平萬里秋

懷麓堂集

法勝寺

盧

濬

天台人

坐我官舟正午陰豁然乘興此禪林可憐靈谷真驚眼
聊對天花一賞心沙鳥樹邊煙淼淼玉梅開處月深深
莫緣芳草頻羈思萬古青山只古音

蘄州志

卷二十八

詩

三

四節祠

王

儼

賓雲州人

百年正氣激飛湍磯眼難消血淚乾一艦煙埋骸骨冷
八溟風灑鬢毛寒心存社稷應難死夢擾魚龍苦未安
酌酒臨江頻觸目征雲猶鎖樹光團

前題

高

鵬

南崖州人

鑿舟應不愧江湍罵賊同心口未乾磯面水聲猶帶恨
城頭山色尙凝寒不緣平日識先定爭得臨時死亦安
羞殺奸諛在何處四侯祠上月團團

仙人臺

郝守正

湘東州人

每到山中訪二仙
仙童仙洞尚依然
巖隈靈藥應千種
石罅喬松已萬年
苔蘚厓前畱幻跡
藤蘿雲外隱諸天
兩丸日月移朝暮
陵谷由來幾變遷

奉答樊山王

朱載堦

吳國倫

老病龍鍾臥北園
思君何日奉清言
眞風好與神仙近
雅道誰如帝子尊
石上彩雲流錦席
松間白鶴引華軒
平臺授簡多賓從
不必狂生更在門

甌甄洞稿

奉寄顧子良副憲子良期過訪予三年不至但時時

勉予學道因寄此詩

吳國倫

蘄州志

卷二十八

詩

七

一水盈盈河漢遙
空中鸞鶴似堪招
循溪易返山陰棹
鞭石難成海上橋
學道豈應妨老大
藏眞只合混漁樵
乾坤萬事捐都盡
白日看君羽翼驕

寓蘄州示諸生

沈鍾

金陵人

蘄州雄跨楚江頭
隔岸羣峯紫翠浮
文事因仍延信宿
春光追逐縱遨遊
懷鄉魚雁常違約
弔古風雲亦解愁
擬就滄浪歌一曲
媿將軒冕對沙鷗

過蘄州冬至

毛伯溫

吉水人

年年冬至未能歸
悵望孤雲天際飛
上國衣冠朝會遠

故鄉戎馬信音稀蒼生到處關休戚青史他年有是非
獨坐窮愁隨日長栢臺清晝掩重扉

菩提寺

毛伯溫

三過野寺兩停驂王事馳驅苦不堪石磴清風驅落葉
竹林斜日靜寒潭似曾識面鳩頻喚如有羞容花半含
試問寺僧今幾許何人能唱望江南

蘄城值雨

陳

溱

濟寬州人

天意含愁不放晴鴻洲煙雨暗蘄城江邊薏苡忠臣憤
湖上松楸孝子情龜鶴何年開壽域鳳麟千古應文明

蘄州志

卷二十八

詩

天

傷心龍眼磯頭水也爲英雄帶恨聲

獨醉稿

江山清趣亭

富

珏

會稽人

鳳凰山下水流東亭下青山四望同春樹鳥啼屏幃裏
夕陽人在畫圖中松風清爽生孤榻花雨繽紛落半空
待得公餘無俗事南薰一曲奏絲桐

遊白巖寺

楊

清

州牧

共說廬山天下高誰知此嶺直摩霄三十六澗水連渡
一百八聲鐘細敲山果熟時猿在樹佛燈明處唄冲霄
也知老衲通三昧舍利光騰萬丈豪

夜月池

朱紳州人

清池半畝浸寒蟾消長盈虧景亦兼玉鏡影搖雲母帳
金鉤光映水晶簾漁翁舉釣情偏逸翫客傳觴興轉添
天道信知元有數升沈端的不須占

鴻洲煙雨

朱紳

一片平沙二水通幾翻煙雨亂長空樹籠野色千林暗
山隱嵐光兩岸同沙鳥飛翔濃淡裏風帆搖颺有無中
待看海上金烏出一掃層陰萬境融

煙霏樓

顧闕桂巖州人

蕘州志

卷二十八

詩

五

濃濃淡淡起天涯縹緲眼前

原作來親

橫復斜雲母屏風低

映戶青絲步帳漫籠花細縵造化憑誰判早晚陰晴恐
認差分付豐隆收拾起好教日月吐光華

竹塘

陳仁近

不將長策對楓宸閒向池邊種綠筠風捲銀花營百蝨
日篩金屑走羣鱗蒲攢紫筍雲橫塔籙閣青萍錦壓茵
共約明朝參玉版何須煮簣怪吳人

應叩鳴集

春日元舉君鉉見訪西宴雨湖館

李

樸質甫州人

齋居無伴憶停雲忽漫相過笑語聞花事半殘春欲暮

壺漿頻促酒初醺樓頭徙倚蟾蜍滿檻外空濛煙霧紛
一水盈盈愁對晤畱連深夜惜離羣

存笥稿

登浮玉磯

鄒志隆

蘭陵人

石閣凌虛勢欲飛江沙積玉動浮磯平分堞雉當軒出
遙帶舳舻入檻依白社未招心亦醉青山有分願非違
使君好述風流事赤壁移來在水沂

過齊昌登浮玉磯

官應震

陽谷黃岡

萬頃茫茫片石浮孤亭獨障大江流月明有影鯨鯢懼
風吼無心波浪休吳楚兩分天塹在衡廬一望水鄉收

蘄州志

卷二十八

詩

三

斜陽不盡登臨興遲我重來作賦秋

登文昌閣

吳亮嗣

明仲梅川

文昌高閣倚層巔閣外江流小百川千頃澄波搖素練
一方寒玉鎖晴煙根盤鰲極疑無地勢接龍門別有天
天爲斯文培命脈棠陰南國自年年

贈錢受之

袁素亮

招我皮冠意已疎須君牀上廣何如自存天素非忘物
聊爲中原苦讀書世界蓮花共履屐工夫楮葉著樵漁
智雖不用何能腐畱待浮雲竟有餘

癸未挈家避地鴻宿洲旋上西塞作 顧天錫 重光州人

鬢斑乏鏡自羞髮摸破青衫已上藍人竄萬山誰告語

燕巢春樹枉呢喃孤城師旅烽加劇盛饌將軍酒正酣

河上逍遙渾故事先機媿我未通南 詩文雜卷

文昌閣

石崑玉 楚陽黃梅

綺閣中流踞石岡巍然上接斗魁芒臨階學字池紋遠

倚檻加冠鏡影長賦月波心人授簡吟風渡口客收航

只疑天祿然藜處少此蒹葭水一方

七言絕句

蘄州志

卷二十八

詩

三

送蕭使君 奇勳擢守蘄州

王世懋 太倉人

十載誰憐國士心一官吳楚任浮沈積薪莫自疑懷璧

剖竹猶堪問賜金

山中吟

顧問 日巖州人

山中名器一蓑衣帶月和雲著得歸借問先生何品秩

上農夫也是耶非

送三弟稚隆入吳省兄

李樸

青山兩岸墜丹時風冷江門送別離肯借尊前同此醉

帆開咫尺是天涯 存笥稿